

Reglement for godtgjering av kommunale tillitsverv i Etne kommune (2019-2023)

Vedteke 19.06.19 i K-sak 040/19

§ 1 Reglementet sitt virkeområde – avklaring av omgrep

Reglementet gjeld godtgjersler for kommunale tillitsverv i Etne kommune etter kommunelova § 5-1 og dekking av telefonutgifter.

Omgrepet tillitsverv her, har same tyding som omgrepet folkevald etter kommunelova § 5-1, siste ledd.

Reglementet gjeld i tillegg for medlemmer i arbeidsgrupper, ad hoc-utval o.a., oppnemnt av formannskapet eller kommunestyret, verv i eit representantskap i IKS eller andre eigarorgan i eksterne selskap.

§ 2 Dekking av skyss-, kost- og overnatting for reiser i samband med tillitsvervet (jf. KommuneLOVA § 8-3, 1.ledd)

Dei til ei kvar tid gjeldande satsar for skyss-, kost- og overnattingsgodtgjersle fastsette i KS sitt reiseregulativ, gjeld også for kommunale tillitsverv i Etne kommune.

For skyssutgifter frå utlandet dekkjer kommunen ingenting, men den innanlandske delen vert dekkja etter vanleg reiseregulativ.

Reiserekning skal leverast så snart som mogleg i tråd med gjeldande rutine.

§ 3 Satsar for dekking av tap i inntekt og påførte utgifter (jf. KommuneLOVA § 8-3, 2.ledd)

Tap av inntekt og utgifter som kan dokumenterast blir dekkja fullt ut. I dei høva der den tillitsvalde ikkje blir trekt i lønn, men arbeidsgjevar i staden krev refusjon for den tillitsvalde sitt fråver, må kravet vera spesifisert og vise timetal, timelønn og sosiale utgifter. Barnepass, vikar og liknande kan dekkast med inntil kr 1 500,- per dag.

Dokumentasjon på tap av inntekt skal leverast så snart som mogleg, og senast i løpet av inneverande kalenderår.

§ 4 Satsar for godtgjering av verv (jf. KommuneLOVA § 8-4)

Godtgjersla for utøving av tillitsverv blir sett til 1 ‰ av ordføraren si lønn pr. møte. Det blir berre betalt møtegodtgjersle for eit møte pr dag.

Ved *utøving* av tillitsverv etter pkt. a. til c. her har ein ikkje krav på møtegodtgjersle for møter i kommunestyret, formannskapet eller andre nemnder og utval i tillegg.

For verva etter a. og b. her skal ev. lønn under sjukdom uavkorta inngå i feriepengegrunnlaget.

Ved *utøving* av tillitsverv etter pkt. d. til i. her har ein i tillegg krav på møtegodtgjersla.

- a. Ordførarvervet i heil stilling blir godtgjort med 97 % av stortingsrepresentantanes si lønn, og skal regulerast i samsvar med stortinget si regulering 1.10 kvart år.
- b. Vervet som varaordførar blir godtgjort med fast 15 % av ordføraren si lønn.
- c. Leiarverv i utval etter § 5-7 i kommunelova blir godtgjort med 6 % av ordføraren si lønn.
- d. Formannskapet si godtgjersle er 3 % av ordføraren si løn.
- e. Leiarverva i kontrollutvalet og viltnemda blir godtgjort med 2 % av ordføraren si lønn.
- f. Andre leiarverv enn dei som er nemnt i a. til e. blir godtgjort med 1 ‰ av ordføraren si lønn pr. møte.
- g. Når ein annan enn leiaren førestår leiinga av møtet, blir dette godtgjort med 1 ‰ av ordføraren si lønn pr. møte.
- h. Verv i eit representantskap i IKS eller andre eigarorgan i eksterne selskap.
- i. Gruppleiarane skal ha ei fast godtgjersle på 2 % av ordføraren si løn.

Dersom folkevalde melder forfall eller er fråverande frå meir enn 1/3 av møta, fører det til at den faste godtgjersla vert redusert med 25 %. Dersom varamedlem møter på meir enn 1/3 av møta skal dette føra til 25 % av fast godtgjersle.

§ 5 Gruppestønad

Gruppestønaden til gruppene i kommunestyret utgjer kr 2 500,- pr. medlem pr. år.

§ 6 Telefongodtgjersle

Etne kommune gir tilskot til telefon til innehavar av kommunalt tillitsverv når kommunen finn det naudsynt med telefon av omsyn til tillitsvervet og til publikum sin trong for å koma i samband med vedkommande.

Kommunen sitt tilskot vert fastsett av kommunestyret for kvart einskild tilfelle.

Tilskot til telefon vert gjeve etter følgjande reglar:

- a. Ordførar får fri mobiltelefon
- b. Varaordførar får kr 1 500,- i telefongodtgjersle pr. år.

- c. Komitéleiarane får kr 1 000,- i telefongodtgjersle pr. år.
- d. Formannskapsmedlemmene får kr 300,- i telefongodtgjersle pr. år.
- e. Gruppeleiarane får kr 700,- i telefongodtgjersle pr. år.
- f. Kommunestyremedlemmer får kr 150,- i telefongodtgjersle pr. år.
- g. Leiar i kontrollutvalet, valnemnda, viltnemnda, sakkunnig nemnd, klagenemnd eigedomsskatt og plan- og byggenemnd får kr 500,- i telefongodtgjersle pr. år.
- h. Etter søknad frå andre tillitsvalde kan formannskapet yta individuelt tilskot i ein tidsavgrensa periode.

§ 7 Medlemskap i KLP (jf. KommuneLOVA § 8-7)

Folkevalde i tillitsverv som medfører lønn/godtgjering tilsvarende minst 1/3 stilling skal vera medlemmer av kommunen si pensjonsordning.

§ 8 Etterlønn/ventepengar (jf. KommuneLOVA § 8-6)

Når ordføraren ikkje blir vald på nytt for neste valperiode, skal det betalast ut 1,5 (halvannen) ekstra månadslønn og feriepengar når han har ny jobb å gå til, og 3 (tre) månader ekstra månadslønn og feriepengar når han ikkje har det. Avtroppande ordførar skal vera disponibel for påtroppande ordførar i desse månadene.

§ 9 Endringar i føresegnene

Endringar i desse føresegnene kan berre gjerast av kommunestyret, jf. kommuneLOVA kapittel 8.

* * *